

ՈՐՈՇՈՒՄ

ՎԱՐՉԱԿԱՆ ՏՈՒՅԵՔ ՆՇԱՆԱԿԵԼՈՒ ՄԱՍԻՆ

«05» օգոստի 2020թ.

N 431/9

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից է. Մնացականյանի կողմից 01.07.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ «Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանի կողմից Երևան քաղաքի Արցախի փողոցի հ.42 տարածք հասցեում ինքնակամ իրականացվել է մետաղական կոնստրուկցիաներով ծածկի կառուցման շինարարական աշխատանքներ, որի վերաբերյալ 01.07.2020 թվականին կազմվել է վարչական իրավախախտման վերաբերյալ թիվ 034575 արձանագրությունը (այսուհետ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

«Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանը (նույնականացման քարտ 005716360, տրված 10.11.2017 թվականին, 006-ի կողմից) բացատրություն տվեց այն մասին, որ արձանագրությունը կազմվել է իր ներկայությամբ և ստորագրված է իր կողմից: Շինարարական աշխատանքները կատարել են հույս ամսին: Ընդունում իրավախախտումը:

«Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

Գործի քննության ընթացքում՝ որպես մեկ համակցություն, հետազոտվեցին արձանագրությունը, սեփականության իրավունքի պետական գրանցման վկայականի պատճենը, ինչպես նաև Գոհարիկ Աղասու Խաչատրյանի կողմից տրված բացատրությունները և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օրյեկտիվ հետազոտման արդյունքում հիմնավորվեց, որ «Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանի կողմից սեփականության իրավունքը ընկերությանը պատկանող Երևան քաղաքի Արցախի պողոտայի հ.42 տարածք հասցեում ինքնակամ իրականացվել է մետաղական կոնստրուկցիաներով ծածկի շվարարակի, կառուցման շինարարական աշխատանքներ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին գանկի 2-րդ և 3-րդ բաժիններում նկարագրված շինարարության թույլտվություն չպահանջող աշխատանքներում:

«Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի

դեմ ուժնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անզործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախսումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

«Քաղաքաշինության մասին» օրենքի 6-րդ հոդվածի 4-րդ մասի «ա» կետի համաձայն՝ կառուցապատողները պարտավոր են կառուցապատումն իրականացնել օրենքով սահմանված կարգով՝ հաստատված ճարտարապետաշինարարական նախագծին համապատասխան, շինարարության թույլտվության հիման վրա:

Նույն օրենքի 23-րդ հոդվածի 1-ին մասի համաձայն՝ շինարարության թույլտվությունը փաստաթուղթ է, որը հաստատում է կառուցապատողի իրավունքը՝ իրականացնել որոշակի շինարարական գործունեություն ինչպես նոր կառուցապատվող կամ վերակառուցվող տարածքում, այնպես էլ գոյություն ունեցող շենքերում և շինություններում:

Եղնելով վերոգրյալից և դեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ

ՈՐՈՇԵՑԻ

1. «Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (Երկու հարյուր հազար) ՀՀ դրամ գումարի չափով:

2. Նախազգուշացնել «Երկաթուղիմատ» սահմանափակ պատասխանատվությամբ ընկերության տնօրեն Գոհարիկ Աղասու Խաչատրյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախսում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱԽԱՆՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՐԱՄ ԱԲՈՎՅԱՆ